

- 1' Wer kranck ist / vnd lyt jn der nott
- 2' Vnd volget nit eyns *artztes* rott
- 3' Der hab den schaden / wie es gott



von krancken die nit volgen

- 1 Der ist eyn narr der nit verstat
- 2 Was jm eyn artzt jn nöten rat
- 3 Vnd wie er recht halt syn dyget
- 4 Die jm der artzt gesetzt hett

2' artztes] artzets *GW5046*

5 Vnd er für wyn das wasser nymbt
 6 Oder des glich das jm nit zymbt
 7 Vnd lüg das er syn lust erlab
 8 Biß man jn hyn treit zû dem grab
 9 Wer will der kranckheyt bald entgan
 10 Der soll dem anfang widerstan
 11 Dann artzeny muß würcken langk
 12 Wann kranckheyt vast nymbt vberhanck
 13 Wer gern well werden bald gesund
 14 Der zoug dem artzet recht die wund
 15 Vnd lyd sich / so man die vff brech
 16 Oder mit meißlin dar jn stech
 17 Oder sie hefft / wesch / oder bynd
 18 Ob man jm schon die hut abschynd
 19 Do mit alleyn das leben blyb
 20 Vnd man die sel nit von jm tryb /
 21 Eyn gütter artzt dar vmb nit flücht
 22 Ob joch der kranck halber hyn zücht
 23 Eyn siech sich billich lyden sol
 24 Vff hoffnung / das jm bald werd wol /
 25 Wer eym artzt jn der kranckheyt lügt
 26 Vnd jn der bicht eyn priester drügt
 27 Vnd vnwor seyt sym aduocat
 28 Wann er will nemen by jm ratt
 29 Der hatt jm selbß alleyn gelogen
 30 Vnd mit sym schaden sich betrogen
 31 Eyn narr ist / der eyn artzet sÛcht
 32 Des wort / vnd ler / er nit gerÛcht
 33 Vnd volget altter wiber rott
 34 Vnd loßt sich segen jn den dott

35 Mitt kracter vnd mitt narren wurtz
 36 Des nymbt er zů der hell eyn sturtz
 37 Des abergloub ist yetz so vil
 38 Do mitt man gsuntheit sůchen wil
 39 Wann ich das als zů samen sůch
 40 Jch macht wol druß eyn ketzerbüch
 41 Wer kranck ist der wer gern gesunt
 42 Vnd acht nitt wo die hilff har kunt
 43 Den tůfel růfft gar mancher an
 44 Das er der kranckheit mōcht entgan
 45 Wann er von jm hilff wartend wer
 46 Vnnd nit můst sorgen grōsser schwer /
 47 Der wůrd jnn narrheyt gantz verrůcht
 48 Wer wider gott gesuntheyt sůcht
 49 Vnd on die wore wißheyt gert
 50 Das er well wyß syn vnd gelert
 51 Der ist nitt gsunt / sunder gantz blōd /
 52 Nit wiß / sunder jn torheyt schnōd
 53 Jn stāter kranckheyt er verhartt
 54 Jn vnsünn blintheyt gantz ernart /
 55 Kranckheyt vß sůnden dick entspringt
 56 Die sünd vil grosser siechtag bringt
 57 Dar vmb wer kranckheyt will entgan
 58 Der soll gott wol vor ougen han
 59 Lůgen das er der bicht sich noh
 60 Ee er die artzeney entpfoh
 61 Vnd das die sel vor werd gesunt
 62 Ee dann der liplich artzet kunt
 63 Aber es spricht yetz mancher gouch
 64 Was sich gelibt das gesōlt sich ouch

60 artzeney GW5046] artzeny GW5041 artzney GW5047

65 Doch wurd es sich zů lest so liben
 66 Das weder lib noch sel wurt bliben
 67 Vnd werdent ewig kranckheyt han
 68 So wir der zytlich wend entgan
 69 Vil synt yetz ful / vnd langest dott
 70 Hetten sie vor gesüchet gott
 71 Syn gnad erworben / hülff / vnd gunst
 72 Ee dann sie süchten artzet kunst
 73 Vnd meynten leben on syn gnad
 74 Stürben doch mitt der selen schad /
 75 Hett Machabeus sich verlon
 76 Alleyn vff gott vnd nit vff Rom
 77 Wie er zům ersten dett dar vor /
 78 Er hett gelebt noch lange jor
 79 Ezechias wer gestorben dott
 80 Hett er sich nit gekört zů gott
 81 Vnd dar vmb erworben / das gott wolt
 82 Das er noch lenger leben solt
 83 Hett sich Manasses nit bekert
 84 Gott hett jn nyemer me erhört
 85 Der herr zů dem bettrysen sprach
 86 Der lange jor was gewesen schwach
 87 Gang hyn / sünd nym / nit biß eyn narr
 88 Das dir nit börsers widerfar /
 89 Mancher gelobt jn kranckheyt vil
 90 Wie er syn leben bessern wil
 91 Dem spricht man / do der siech genaß
 92 Do wart er böser dann er was
 93 Vnd meynt gott do mit btrogen han
 94 Bald gond jn grösser plagen an